



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-502-10/21**
Datum: **10.02.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Tuzla-kvarc“ d.o.o. Tuzla za izdavanje vodne dozvole za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta pri radovima na eksploataciji mineralne sirovine kvarcnog pijeska na lokalitetu PK „Bukinje“, Grad Tuzla, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu, „Tuzla-kvarc“ d.o.o. Tuzla, daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta pri radovima na eksploataciji mineralne sirovine kvarcnog pijeska na lokalitetu PK „Bukinje“, Grad Tuzla.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, dostavljenog dinamičkog plana ulaganja (spisak aktivnosti i mjera u cilju smanjenja emisije sa rokom završetka), izvršenog uviđaja i utvrđenog činjeničnog stanja na terenu i pod slijedećim uslovima:
 - 3.1. Da se izvođenje radova na prostoru eksploatacije mineralne sirovine kvarcnog pijeska, radno manipulativnim površinama, drugim prostorima i pratećim objektima infrastrukture vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.1.1. Da se na terenu sve aktivnosti realizuju u skladu sa dostavljnim Dinamičkim planom izvođenja radova sa preciziranim rokovima njihovog izvršenja na prostoru eksploatacije mineralne sirovine kvarcnog pijeska, radno manipulativnim i drugim pratećim površinama i sadržajima, broj:IP-118/22 od 03.02.2022. godine. Krajnji rok za realizaciju svih aktivnosti je 31.10.2022. godine. Navedeni dinamički plan realizacije aktivnosti na terenu je sastavni dio ovog rješenja.
 - 3.1.2. Da se sagledaju svi mogući neželjeni uticaji voda kako na kompleks objekata definisanih tačkom 1. ovog Rješenja, tako i uticaj izgrađenih objekata na druge objekte i postrojenja, stečena prava korisnika, postojeću infrastrukturu, te na terenu preduzmu mjere za uklanjanje istih.
 - 3.1.3. Nakon okončanja svih aktivnosti na terenu ukoliko dođe do odstupanja u odnosu na Projekat izvedenog stanja-hidro faza na nivou glavnog projekta vanjskog uređenja prostora PK „Bukinje“ Grad Tuzla sa mjerama za sprečavanje negativnih uticaja predmetnih pogona i sadržaja na režim voda i režima voda na predmetnu lokaciju, urađen od strane JPVD „Spreča“ d.d. Tuzla, broj: 051-01-1-2601/21,

- januar 2022. godine investitor „Tuzla-kvarc“ d.o.o. Tuzla je u obavezi da izradi projekat izvedenog stanja-hidro faza, sa svim izmjenama i dopunama.
- 3.2. Da se objekti čija je svrha odvođenje i prečišćavanje onečišćenih voda (zemljani taložnik, betonski i zemljani kanali i slivnici i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz taložnika i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se popravka i servisiranje mehanizacije, skladište ulja, masti, nafte i naftnih derivata vrši u krugu firme u Bukinju.
 - 3.6. U toku izvođenja radova kao i same eksploatacije iskopani materijal (mineralna sirovina i jalovina i dr.) ne smiju ni privremeno odlagati na česticu „vodno dobro“, odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, pravno lice je dužno provoditi sve mjere i aktivnosti propisane istom.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete
 7. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Vodna dozvola se daje na određeni period do 31.10.2022. godine shodno članu 13. stav (5) Uredbe o uslovima ispuštanja otpadnih voda u okoliš i sisteme javne kanalizacije. Prije isteka ovog roka pravno lice je dužano zatražiti produženje iste. Ova vodna dozvola prestaje da važi u slučaju da se ne ispune uslovi iz tačke 3. ovog rješenja. Sastavni dio ovog Rješenja je Dinamički plan izvođenja aktivnosti sa tačno preciziranim rokovima njihovog izvršenja na prostoru PK „Bukinje“, broj:IP-118/22 od 03.02.2022. godine.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Tuzla-kvarc“ d.o.o. Tuzla obratio se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta pri radovima na eksploataciji mineralne sirovine kvarcnog pijeska na lokalitetu PK „Bukinje“, Grad Tuzla.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A- Opća dokumentacija

- Aktuelni izvod iz sudskog registra izdat od strane Općinskog suda u Tuzli - ovjerena kopija,
- Uvjerjenje o registraciji/upisu u Jedinostveni registar obveznika indirektnih poreza, broj:04/1-UPP/I-9851/07 od 01.08.2007. godine izdato od strane Uprave za indirektno-neizravno oporezivanje Banja Luka – ovjerena kopija,
- Uvjerjenje o poreznoj registraciji od 01.07.2014. godine izdato od strane Kantonalnog poreznog ureda Tuzla - ovjerena kopija,
- Posjedovni list 173, broj:07-27-9873/21-2 od 17.11.2021. godine izdat od strane Službe za geodetske i imovinsko-pravne poslove Grada Tuza,
- Zaključak, broj:12-04/1-23-012479/17 od 27.04.2017. godine izdat od strane Ministarstva prostornog uređenja i zaštite okolice Tuzlanskog kantona - ovjerena kopija,
- Rješenje o okolinskoj dozvoli, broj:UPI 05/2-23-11-19-1/15 od 10.03.2017. godine izdato od strane Federalnog ministarstva okoliša i turizma - ovjerena kopija,
- Ugovor o obnavljanju Ugovora o koncesiji broj:03/1-18-19629/16 od 26.08.2016. godine potpisan sa Ministarstvom privrede Tuzlanskog kantona, broj:03/1-14-16585/21 od 05.10.2021. godine - ovjerena kopija,
- Ugovor potpisan sa „Kemeko-BH“ d.o.o. Lukavac, broj:845-01/21 od 29.09.2021. godine - ovjerena kopija,
- Saglasnost, broj:UPI-16-18-2-06526/2018-1607-4-P od 23.01.2018. godine izdata od strane Federalnog rudarskog, termoelektrane i elektro-energetskog inspektorata - ovjerena kopija,
- Punomoć podnosioca zahtjeva, broj:IP1226/21 od 01.11.2021. godine,
- Dinamički plan izvođenja aktivnosti sa tačno preciziranim rokovima njihovog izvršenja na prostoru kompleksa objekata i sadržaja „Tuzla-kvarc“ d.o.o. Tuzla, broj:IP-118/22 od 03.02.2022. godine,
- Opći akt o održavanju, korištenju i osmatranju vodoprivrednog objekta, broj: IP-1032/21 septembar 2021. godine urađen od strane „Tuzla-kvarc“ d.o.o. Tuzla,
- Dokaz o uplaćenju upravnoj pristojbi na zahtjev.

B- Tehnička dokumentacija

- Projekat izvedenog stanja-hidro faza na nivou glavnog projekta vanjskog uređenja prostora PK „Bukinje“ Grad Tuzla sa mjerama za sprečavanje negativnih uticaja predmetnih pogona i sadržaja na režim voda i režima voda na predmetnu lokaciju urađen od strane JPVD „Spreča“ d.d. Tuzla, broj: 051-01-1-2601/21, januar 2022. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru PK „Bukinje“ Grad Tuzla i tom prilikom sačinjen Zapisnik o izvršenom uviđaju broj: UP-1/21-3-40-502-8/21 od 25.01.2022.. godine.

Na osnovu dostavljene dokumentacije utvrđeno je sljedeće:

- Eksploataciono polje ležišta mineralne sirovine kvarcnog pijeska „Bukinje“ nalazi se na području Grada Tuzla. Ukupna površina površinskog kopa iznosi 26,938 ha (po koncesionom ugovoru).
- Na nevedenom lokalitetu nema izgrađenih objekata. Uposlenici koriste flaširanu vodu za piće koja se povremeno odvozi na kop.
- Nafta i naftni derivati za potrebe rada mehanizacije se dovoze u kanisterima i svakodnevno pretakaju u rezervoar. Na prostoru površinskog kopa se ne vrši skladištenje nafte niti popravka i servisiranje mehanizacije.
- Servisiranje mehanizacije vrši se u krugu preduzeća ili ovlaštene firme.
- Za postupak otkopavanja (eksploatacije) mineralne sirovine, kvarcnog pijeska, ne koristi se voda, postupak separacije se vrši u krugu preduzeća tako da u cjelokupnom postupku ne nastaju tehnološke otpadne vode. Zagađenje koje potiče od površinske eksploatacije

nastaje u doba velikih padavina kada postoji mogućnost da se lokalni vodotoci zamute (oborinske onečišćene vode sa povećanom mutnošću vode).

➤ Projektom dokumentacijom je predviđeno da se ukupna količina oborinskih voda prikupi, tretira i odvede u recipijent – rijeku Joševicu i dalje u rijeku Jalu. Nakon prikupljanja onečišćenih oborinskih voda na radnom platou, iste se upuštaju u projektovanu kanalizacionu mrežu i odvede na tretman do projektovanog objekta zemljanog taložnika zapremine $V=31,00 \text{ m}^3$ (dimenzija 14,80 m x 6,04 m i dubine 2,0 m). Odnosno, onečišćene vode koje se prikupe na terenu eksploatacije će se zadržavati u zemljanom taložniku u kojem će se gravitaciono odvajati suspendirane materije. Nakon prečišćavanja onečišćene vode će se preko revizionog okna odvoditi u vanjski obodni kanal, nakon toga u rijeku Joševicu koja se ulijeva u rijeku Jalu.

U skladu sa zahtjevima Uredbe dostavljen je detaljan Dinamički plan ulaganja (spisak aktivnosti i mjera sa finansijskom procjenom za ulaganje u cilju smanjenja emisije sa predloženim završetkom aktivnosti), broj:IP-118/22 od 03.02.2022. godine. U skladu sa dinamičkim planom pravno lice će sve aktivnosti na terenu okončati zaključno sa 31.10.2022. Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „Tuzla-kvarc“ d.o.o. Tuzla ispunio minimum uslova za izdavanje vodne dozvole za aktivnosti koje mogu imati specifične uticaje na vode sa prostora površinskog kopa „Bukinje“, Grad Tuzla, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- „Tuzla-kvarc“ d.o.o.
21. Decembra b.b., 75000 Tuzla (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava